

晚

晴

移

詩

匯

晚晴簃詩匯卷四目錄

世宗憲皇帝御製耕藉樂章 一首

高宗純皇帝御製大雩樂章 八首

盛京大燕世德舞樂章 十首

鄉飲酒禮樂章 二十一首

平定兩金川凱歌 三十首

晚晴移詩匯卷四

徐世昌

世宗憲皇帝御製耕藉樂章三十六禾詞

雍正二年

光華日月開青陽房星晨正呈農祥

帝念民依重耕桑肇新千藉考典章吉蠲元辰時日良蒼  
龍鑾輅臨天闔青壇峙立西南方犧牲簠簋升芬芳

皇心祇敬天容莊黃幕致禮虔誠將禮成移蹕天田旁土  
膏沃洽春洋洋黛犁行地牛服韁司農種稑盛青箱供縻  
在手絲鞭揚率先稼穡爲民倡三推一墾制有常五推九  
推數遞詳王公卿尹咸贊襄甸人千耦列雁行耰鋤旣畢  
恩澤滂自天集福多豐穰來牟薈薈森紫芒華薌赤甲秬  
稗秠秠三種黎白黃稷粟堅好碩且香糜芑大穗盈尺

長五菽五豆充墉場稌粢麋絜九色糧蜀秫玉黍兼東臚  
鳥禾同收除童梁雙歧合穎徧理疆千箱萬斛收神倉四  
時順序百穀昌八區九有富蓋藏歡騰億兆感

聖皇

高宗純皇帝御製大雩樂章雲漢詩八章

乾隆七年

瞻彼朱鳥爰居實沈協紀辨律羽蟲徵音萬物芸生有壬  
有林有事南郊陟降維欽瞻仰

昊天生物爲心

右第一章

維國有本匪民伊何維民有天匪食則那螻螻鳴矣平秩  
南訛我祀敢後我樂維何鼉鼓淵淵童舞娑娑

右第二章

自古在昔春郊夏雩曰維龍見田燭朝趨盛禮既陳神留  
以愉雷師闐闐飛廉衙衙曰時雨暘利我新畬

右第三章

於穆

穹宇在郊之南對越嚴恭

上帝是臨藹栗量幣用將惻忱惴惴我躬肅肅我心大事  
自責仰彼桑林

右第四章

權輿粒食實維后稷百王承之永奠邦極惟予小子臨民  
無德敢懈祈年潔衷翼翼命彼秩宗古禮是式

右第五章

古禮是式值茲吉辰玉磬金鐘大夔維醇元衣八列舞羽

續紛旣侑

上帝亦右從神尙鑒我衷錫我康年

右第六章

惟天可感曰惟誠恪惟農可稔曰惟力作恃天慢人弗刈  
弗穫尙勤農哉服田孔樂咨爾保介庠乃錢鎛

右第七章

我禮旣備我誠已將風馬電車旋駕九閭山川出雲爲霖  
澤滂雨公及私興鋤利甿億萬斯年農夫之慶

右第八章

高宗純皇帝御製盛京大燕世德舞樂十章

乾隆八年

粵昔造清匪人伊天天女降思長白闔門是生我  
祖我弗敢名迺繼迺承逮我元孫

右第一章

元孫累葉維

祖之思我西云來我心東依歷茲故土仰溯始謀皇澗過  
澗締此丕基

右第二章

於赫

太祖肇命興京哈達輝發數淪厥盟如龍田見有虎風生  
戎甲十三王業以興

右第三章

爰度爰遷拓此瀋陽方城周池

太室明堂不甯不靈匪居匪康事異放桀何心底商

右第四章

丕承

太宗允揚前烈倬彼松山明戈耀雪以寡敵衆杵漂流血  
惜無故老爲余詳說

右第五章

余來故邦瞻仰

橋山慰我追思夢寐之間崇政清甯載啟南軒華而不侈  
鞏哉孔安

右第六章

惟我

祖宗欽

天敬神執豕酌匏咸秩無文帷幔再張樽俎重陳弗渝弗  
替遵我



先民

右第七章

先民宅茲載色載笑今我來思

聖日俯照爵我周親藎臣並召亦有嘉賓歡言同樂

右第八章

懿茲東土允惟天府土厚水深周原膺膺南陽父老於是  
道古有登其歌有升其舞

右第九章

我歌既奏我舞亦陳故家遺俗曷敢弗因渾灝渙休被於  
無垠勿替引之告我後人

右第十章

高宗純皇帝御製鄉飲酒禮樂章補笙詩六篇

乾隆十年

我逝南陔言陟其岫昔我行役瞻望有父欲養無由風木何補

我逝南陔言陟其岫今我行役瞻望有母母也倚閭歸則甯止

南陔有筍簠實包之孱孱孩提孰噢咻之愼爾溫清潔爾旨肴今爾不養日月其愼

右南陔三章二章章六句一章八句

有白者華不污纖塵咨爾士兮宜修其身不修其身乃貽羞於二人

有白者華婉茲靜好咨爾女兮宜修婦道不修婦道乃貽羞於二老

白華匪玉涅而不淄白華匪蘭芬乃勝之我擷白華載詠

載思

白華匪玉質玉之令白華匪蘭臭蘭之淨我擷白華載思  
載詠

右白華四章章六句

瞻彼阪田厥黍始華胼足胼手嗟嗟我農夫  
瞻彼阪田黍華以秀胼手胼足惟勤斯殖茂  
華有不秀矣秀有不實矣其雨其雨矣杲杲日出矣惄予  
愁之恤矣

右華黍三章二章章四句一章五句

由庚便便東西朔南六符調變八風節宣  
由庚容容朔南西東惟敬與勤百王道同  
由庚廓廓東西南朔先憂而憂後樂而樂

由庚恢恢朔南東西皇極孰建惟德之依

右由庚四章章四句

澗松童童蛙黽鄰兮邱草萋萋蕩青雲兮凡百君子慎乃託身兮

澗松童童澗則卑兮邱草萋萋邱則崎兮凡百君子審乃所依兮

有崇者邱物無不遂有卓者道愚無不智資生育德永植無替

右崇邱三章章六句

在上曰天在下曰地君君臣臣父父子子

在下曰地在上曰天父父子子君君臣臣

由其儀矣物則熙矣

儀其由矣物則休矣

右由儀四章二章章四句二章章二句

高宗純皇帝御製平定兩金川凱歌三十章

乾隆四十一年

廿四中秋夜丑時木蘭營裏遞紅旗本來不寐問軍報孰謂今宵宛見之

七千里外路迢遙向十餘朝茲入朝可識眾心同一志嘉哉行賞自宜昭

賊巢最是勒烏圍甲雜小連噶喇依破竹勢成應不日速傳捷信願無違

行營半夜那來喧卻是紅旗到敘門五載勤勞同上下鴻勳集總沐

天恩

紅燈一點引紅旗頃刻行營人盡知舊部新藩同賀喜古  
來報捷可如斯

成言原有付兒行一見紅旗卽奏將雖是

慈心早知喜更馳侍衛報山莊

一破賊巢飛騎馳未遑詳悉盡陳之將軍宣力應優賜先  
示端倪加勉宜

前次受降惟戢斧今番報捷乃犁庭敬承

天眷能無慰未至武成心未甯

宵衣惟吾理合然喜而不寐那能眠乃知展齒事誠有較  
彼殊猶高下懸

三捷盼來一月間此時軍務正相關執渠掃穴歌耆定佇

待郊臺奏凱還

甲午桃花寺蹕停軍書正此俯窗櫺幸哉今日仍憑處綠  
柳中飛一點星

勒圍報捷夜行營重值上

陵晝返程一刻萬人齊色喜光明日月永銷兵

三穴猶延一月餘六軍奮勇豈饒渠周遭火器熾攻處早  
爛區區釜底魚

旬餘棧驛八朝至一片紅旗萬馬飛來路羣番喜且懼國  
之慶也國之威

險惡山川靖梟獍邪深機阱絕根株從今番部都安堵强  
食奸欺自此無

蠶叢絕險隱妖氛百戰功成古未聞鑿鼓冬冬聲凱獻羌  
兒稽首送將軍

堅礪林立萬重山  
破險衝鋒厯盡艱  
奏績都資軍將力  
紅旗一道入桃關

姜維征處號維州  
豔羨戎人謠語留  
今日勒圍爲內地  
無憂城果是無憂

盼捷經冬復入春  
垂成偏覺意厯頻  
今宵料得方安枕  
明告愼哉用武人

流離此日巢穴傾  
耆定從茲可罷兵  
歌凱莫教容易聽  
五年功幸一朝成

郊臺仍是此郊臺  
何幸重修盛事來  
漫謂數年經契闊  
精神注似日相陪

勲臣率拜列靈旗  
軍士鳴螺赫武儀  
樂奏饒歌行抱見  
詰戎



家法萬年垂

己巳班師本受降庚辰郊勞典鳩龐放牛歸馬予素志凱  
獻何期此見雙

準部回城定五年金川小寇亦如前嘉予將士久敵愾不  
覺對之增惻焉

地險加之眾志堅林礪步步戰而前小於昔事難過倍慰  
意恆因意惻然

鑿穴而居避火器終於面縛出蕃城貪生螻蟻固如此聚  
族將焚語豈誠

倏經于役五春秋棧道崎嶇似坦郵夾路花紅復柳綠阿  
誰致悔覓封侯

脫卻戎衣換吉衣龍章示獎特恩稀同心戮力還掄最便

解天閑賜六飛

兵洗金川永不波潢池跋扈竟如何良鄉近遠多黎庶歡  
喜都來聽凱歌

凱歌亦豈易爲聞五歲辛勤勞眾軍我實未曾安五夜幾  
多憂慮與平分

謹案有清一代朝廟之樂其別凡十有二曰中和韶  
樂曰中和清樂曰丹陛大樂曰慶神歡曰部燕日隊舞  
樂曰鑾歌清樂曰導迎樂曰慶神歡曰部燕日隊舞  
日茄吹日番部合奏凡樂歌俱重定於乾隆七年其  
奏樂章名十一年御筆更定圖丘以下正祀均用平  
字朝日用曦字夕月用光字社稷先農用豐字餘或  
別采嘉名製爲新調清樂與鑾歌所奏往往隨事標  
題會典通考紀載綦詳茲以出於雍正乾隆朝御製  
者錄爲一卷次九朝詩後彭文勤嘗集御製詩成萬  
壽衢歌七言絕句三百章高宗自圓明圓回宮奏  
以前導乃一  
時粉格也

晚晴簃詩匯卷四終

晚晴移詩匪卷五目錄

鎮國公高塞 五首

理密親王允祜 六首

誠隱郡王允祉 二首

恆溫親王允祺 三首

溫度親王允祐 一首

履懿親王允禔 一首

怡賢親王允祥 二首

愉恪郡王允禩 一首

莊恪親王允祿 一首

果毅親王允禮 十二首

慎靖郡王允禧 二十首

誠恪親王允祕 一首

晚晴籀詩匯卷五

徐世昌

鎮國公高塞號敬一

太宗第六子諡懿厚有恭壽堂集

王阮亭曰敬一道人好讀書善彈琴工詩畫仿雲  
林小幅筆墨淡遠擺脫畦徑雖士大夫無以踰也  
詩話敬一主人居盛京愛醫巫間山幽雅嘗於夏日  
讀書其間常熟孫賜赤崖坐科場事戍吉林主人留  
邸中遇赦始歸武進蔣龍駒鹿亦嘗爲主人客間古  
古贈以詩有句云西風吹散梁園客獨有枚舉哭孝  
王蓋詩作於主人下世後也主人有悼贖和尚詩云  
一葉流東土花飛遼左山同塵多自得玩世去人間  
古塔煙霞在禪關歲月閒空悲流偶處今日共躋攀  
贖和尚名函可南海人明尚書韓日續子謫戍遼東  
卽供文襄彈事中  
牽連而及者也

戊申春日行次薊門登獨樂寺閣

春雨溼歸鞅行色藉以沐落日投薊門遂寄禪宮宿誰爲

初地功高樓倚空，築梯雲歷層楹。聊縱千里目，迴颺遞曉鐘。  
薄霧籠寒竹，芳草麗郊原。新林變川陸，豈意路道人。復此慰幽獨，  
臨風思近睽。倚檻恣遙矚，渤海杳滄盤。山互紆曲，安期駐秦鑾。  
廣成降帝屋，聖哲旣已往。陳迹遺巖谷，空同與滄溟。煙波恆斷續，

宿香巖寺絕頂

雨霽空山夕，尋幽入杳冥。雲封千澗白，露濯萬峯青。飛鳥依簷宿，  
流泉伏枕聽。朦朧空翠裏，孤月自亭亭。

宿向陽寺

聖朝存象法，古寺復聞鐘。花引山門路，雲封野殿松。高齋談靜理，  
遠嶂淡秋容。日暮還攜杖，月明林外峯。

大安寺

萬仞盤危磴千峯此獨尊山光澄宿霧海色上朝曦野殿  
松杉古殘碑歲月存悠然雲外想何必問花源

丙午中秋

碧天如水夜初涼三五蟾光滿帝鄉何處笙歌侵曉漏幾  
家砧杵急秋霜仙臺深閉金莖露月殿高懸桂子香獨抱  
幽懷渾不寐西風雁唳到虛堂

理密親王允礽

聖祖第二子初封皇太子廢雍正初薨追封

詩話理密親王居東宮三十二年以疾薨既乃復立  
又三年終黜聖祖聰明睿知家庭父子間非事有  
至難必不至若是詩載文穎中述祖勤民其言排惻  
固未嘗有克負荷之徵漁洋嘗舉其賜致仕內閣  
學士徐嘉炎絕句云玉臺詞藻重徐陵經筵由來博  
雅稱每見趨陪鵷鷺側神仙風度在觚棱亦復斐然  
誦可

過開山廟

東去指徂徠巡行亦壯哉人從千嶂度路想五丁開雲氣  
連秦觀煙光接漢臺春陰嵐翠潤谿轉徑迂迴

黃河

黃河天下險萬古亘乾坤不覩靈濤壯安知禹力尊水雷  
無定響江海欲全吞此際乘槎穩安瀾荷聖恩

陪 駕幸五臺

鳳刹虹幡碧落懸盤空磴道白雲穿上方恍在諸天外積  
雪疑從太始前山號清涼澄法界地開功德引飛泉曼陀  
花雨紛紛落總爲君王種福田

恭侍 聖駕閱視河隄

河干芳草正萋萋輦路逶迤接大隄新綠漸添楊柳岸春

煙多在杏花蹊行宮日近千官集平野雲連萬幕齊淮浦  
昔聞憂水國祇今瑞麥滿平畦

菩薩頂雪月

山川皎潔一時勻始信空王道力真蓬海三千皆種玉絳  
樓十二不飛塵侵衣夜色渾疑晝繞座寒光未覺春總爲  
聖神徵瑞應萬年有道福駢臻

瞻仰盛京宮闕念

祖宗創業艱難恭賦

祇命趨遼海崔巍仰舊宮莊嚴天氣肅盤踞地圖雄念昔  
開王業乘時奏武功師征方自葛城滅又遷豐一劍風塵  
際三陴指顧中神威宣率土求莫協蒼穹式廓彌增壯維  
垣遂克崇八門連閭域雙闕拄高空曳珮千官入輪琛百



國同兵農旋定制禮樂漸移風爰及純熙介逾看景厯融  
中原欣定鼎故里抱遺弓陶復追家室春陵望鬱蔥星辰  
咸拱北王氣本從東幸是餘休渥還令後裔蒙聖慈垂閭  
澤敕遣諭微躬遠厯關山峻來親祀典隆丕基勞櫛沐奕  
葉荷帡幪松檟靈祇護枌榆社飲通有懷長不寐明發惕  
淵衷

誠隱郡王允祉

聖祖第三子封誠親王雍正間奪爵薨視郡王例祭葬乾

隆初追諡曰隱

詩話誠隱郡王工書漁洋嘗見所書廣濟寺碑稱其  
適美妍妙絕似虞永興詩有課餘稟陳省齋爲作序  
推許甚至蓋省齋自戊所赦還  
聖祖命侍王讀書正其時也

扈蹕恭讀 御製詩文恭紀

帝歌瓠子卽平成宵旰精勤更省耕物在春臺皆自樂野  
張行殿見輿情民瞻采舸花前拜馬避嘉禾柳外行過浦  
橫汾徒羨美宸章全是爲蒼生

時邁乘陽輦路遙宸游非爲物華饒河沈璧馬波濤靜詔  
下金雞貫索消萬國冠裳迎聖禹四方雲日覲神堯篇章  
訓誥皆師古徒解敷詞笑六朝

恆溫親王允祺

聖祖第五子

雙峯歌

劍臺北望得雙峯巍然聳出青芙蓉彼此相依殊迴絕參  
差並峙何玲瓏枯藤屈曲蟠其上仰看體勢如蚪龍徑仄  
豈容樵牧至石高時見雲霞封就中瀑布倚空瀉淙淙聲

應千林松游人到此奇絕處頓令洞目開心胸倚樹徘徊  
不能去冷然暮色無行蹤青溝此去知不遠禪關未見先  
聞鐘

乾清宮侍宴

仙禁初舒一葉萸瑞雲時向玉階停堯尊香滿春前舉天  
語溫多醉後聽無限恩光分几席始知樂事聚家庭年年  
此際陪歡宴四海雍和萬類甯

白雲寺

山高每出雲有寺在山上誰向寺中游白雲自來往  
消度親王允祐

聖祖第七子

扈駕謁陵

迢迢一望鬱蒼蒼煙靄雲嵐帶瑞光萬代共瞻先澤遠一  
人親展孝思長山前細聽簫韶奏松下時陳俎豆香盡仰  
發祥來此地自今永世卜遐昌

履懿親王允禔

聖祖第十二子封履親王諡曰懿

聖祖萬壽詩

寶殿歡開介壽觴蓬萊佳氣駐春陽日融丹仗龍旂暝花  
繞彤墀鳳展香華渚流虹欽誕昊康衢擊壤邁歌唐綵衣  
侍宴天顏喜慶自宮庭洽萬方

怡賢親王允祥

聖祖第十三子

詩話怡賢親王忠孝篤勤世宗於諸弟中最爲友  
愛纖輔營田規畫閎遠始終恩禮優渥歿後脩食太

廟並以遺稿編  
附御集之後

恭和 御製耕織圖詩

厯厯三時況如陳七月篇秋雲青甸裏春雨綠疇邊聖政  
先無逸皇心重有年孜孜宵旰意總向畫圖傳  
玉帛梯航遠山龍繒繡工豈知寒女事猶入睿吟中勤儉  
昭淳俗勞思愛古風垂裳開至治衣被萬民同

愉恪郡王允禩

聖祖第十五子封愉郡王諡曰恪

聖祖萬壽詩

聖厯綵長億萬年一周花甲始開先仙桃燦爛方舒藥海  
日瞳矐始麗天文德武功齊入舞宸章寶訓幾成篇趨庭  
共愜承歡意無限春風繞御筵

莊恪親王允祿

聖祖第十六子

夏日山莊應制

山莊宜夏日五月似秋涼  
瑞草隨風動名花裊露芳  
鳥嘯青嶂下燕掠碧谿傍  
佳景陪宸賞惟思獻壽觴

果毅親王允禮

聖祖第十七子有春和堂集靜遠齋集奉使紀行詩集

詩話果毅親王詩驚雅冲和且有矩度紀行諸什登臨憑弔得江山之助攬懷籀勝於此不凡綜其所詣不在慎恪郡王下自來談藝者多推紫瓊而不及春和靜遠諸集殆非篤論

西安

橫鞭上灞橋迴眺秦封域五緯非昔輝  
八川猶湜湜林表隱終南高秀仙都匹  
綿延帶埤堦平掌對門闕遙想虎踞

年雄視小八極緹繡大照耀土木天偈仄五陵競豪奢九  
衢恣崇飾香車鬪風游華屋鳴鐘食王氣盛薊門鶉野遂  
寡色當年西笑人回望燕臺日

九折坂

蜀險厯益奇卬岷擴西臂昔年峻坂名九折今躬蒞冰凌  
夏猶結沉躔婺女次韞陳指策登列騎束如蝟鼓勇躋其  
顛霏霧開目皆羣山次第出俯瞰等平地豁達關徼通華  
羌指掌視如披枕祕書標新復領異

烏夜啼

白日已盡庭棲烏將子八九名相呼曲房沈沈綺閣流  
蘇寶帳宵眠孤一嘯燭淚紅珠滴再嘯月落青林黑嘯到  
天明窺鏡奩烏頭未白人頭白

碑洞

飛龍氏後史繼作胚胎妍影窮元漠伐石摩丹示萬世岐  
陽岫嶠神工錯羸劉而後何班班有唐製作留人間鳳翥  
鸞鸞競翀舉至今落翮成邱山巒宮前後臚蒼碣或露或  
覆森森立宵徠儼如洞壑幽磊砢半與土花碧聖經中列  
崇堂皇其餘篆籀環堵牆真行隸草各殊勢昭揭日月連  
星芒奏置憶自宋元祐鴻都太學同爭購雪疊谿藤墨鑿  
池詰朝煙散風馳驟經石呵護有神靈諸刻未免隨淪冥  
或時驪珠抵烏鵲間用至寶充甃眞蹟已遙初搨少遺  
文可聽埋荒草我朝加飭守土臣護視厯久仍完好卽今  
宸翰品入神一波一折前無鄰唐規晉矩何足數幾暇不  
廢臨摹勤賜書常得窺筆法奄有百代流風洽自非博覽



徧諸家誰從鑿竇穿雲峽  
竭來奉使劍外行還轅  
載厯周西京講閤事竣  
啟文廟肅謁先聖觀  
諸生因得周視碑版  
處古氣磅礴蛟龍據  
剡剔苔蘚出節角別  
白同異識題署強半  
雖從搨本看雕鐫對  
玩神光完雅俗妍媸  
不一例杰作自詣乾  
坤端報命有期遑細  
剖往復摩挲難釋手  
規撫鴻筆劖一拳槐  
廡庶託長不朽

觀鹽池並謁池神廟有作

參井分野郇瑕封唐都  
南畔虞畿東嶽瀆宣精  
鍾巨浸府海不讓神明  
功縱邇橫遙幅百里澄  
渟黝窅靈源通疏列畦  
塍錯繡壤醜渠淪注波  
泮澍甘鹵密迤洩潛漉  
一宿霜練冰長空炫轉  
晶熒耀天日鍛椎圭璧  
堆瓊瓏輶裝輶載均民  
食遠近給足公私豐  
引水首夏迄秋仲成實  
自有靈

旗風詎假熬波漉沙力惟勤斥堠堅垣墉知者造物巧者  
和總藉天貺回昭融聖朝百神並崇報一方秩祀尤優隆  
雲榜高揭誌信嚮庥光永願涵璇穹

蒲州

龍門一曲處風氣萃蒲津關險全臨晉山形半入秦樓窺  
飛鳥上柏鬱大河濱祇有重華日環迴萬古新

金山

雪浪東來萬里流孤懸金碧照滄洲秋生極浦平分外人  
語諸天最上頭京口颿檣殘照遠海門煙樹落潮浮六朝  
遺蹟知多少付與詩人一倚樓

銅雀臺

臺荒人去杳難留遺蹟蒼茫不可求當日橋陵盡西望於

今漳水自東流香消羅綺寒雲合地歇笙歌野草秋畢竟  
君王歸未得空餘煙外夕陽愁

春草

不辨江離與杜蘅東風吹處一時生西河冉冉尋芳路南  
浦萋萋送客情細雨迷離添杳靄夕陽掩映更分明垂鞭  
最憶花時節河畔青青縱馬行

河陽謁諸葛武侯祠

遭逢魚水自南陽將相才兼管樂長祠樹能回萬牛首臣  
家本有百株桑卧龍地近鄉山古籌筆人遙驛路荒廟貌  
嵯峨一瞻拜到門河水鑑清光

寶雞

矗矗西山萬玉簪塔河津渡曉霜含樵夫指點秋林外橋

棧連雲三十三

興平

棠梨瑟瑟水無波詞客千秋託興多漢廟唐陵殘照裏路

人偏指馬嵬坡

慎靖郡王允禧號紫瓊道人

聖祖第二十一子有花間堂詩鈔紫瓊巖詩鈔紫瓊巖詩

鈔續刻

詩話紫瓊道人詩高朗瀟灑得韋柳之旨而不蹈其  
畦畛工畫尤擅山水嘗得端溪巖石寶愛特甚命曰  
紫瓊巖因以自號後合幕客顧元揆審定詩藁卽以  
名其集果恭親王爲序略言道人以懿親列屏翰飲  
食被服同於寒素齋居左右圖書一覽輒得其要指  
多延接四方博雅端慤之士日相剗切以故學益邃  
藝益高蓋道其實也

塞外秋望

秋清曠何極望迴步初停一雁來空闊千峯入杳冥炊時  
煙獨自牧處草猶青古塞殘陽下低徊記所經

琴歌

秋風縮澀聞蟹行虛堂脈脈通元冥夜深雨細楓江鳴闌  
珊北斗低玉繩四座無言香篆凝撥刺一聲空谷驚乾坤  
奠定太古情

春風篇

天上有春風鼓蕩浩劫開鴻濛地上有春風昭蘇品彙襍  
包蒙人心有春風消除泥滓如虛空今風接古風一片春  
融融層冰消大壑生意到微蟲塵埃野馬吹不盡但見翠  
虛之府高暢春風中天根月窟祕真氣春風在天不在地  
披拂草木流山川春風在地不在天春風天地俱無私含

蠕有物舒而滋人心尙保春風時

送易公仙之越赴舊任

明鐙綠酒張高堂曉風殘月催行裝臨觴不御各相視離  
憂惻惻纏中腸人生那得無分手道誼相親惟可久須知  
別後夢魂牽何如且盡杯中酒揚州遠在天之涯悲君萬  
里不還家青雲有路應須致白首微官亦可嗟夕陽衰草  
關河道南雁聲中霜信早長途努力更加飡無計爲君慰  
衰老來往京華十載餘空憐此別恨何如更爲後會知難  
再莫惜因風數寄書

讀淵明詩

輕重若云殊毫末形泰山此身亦外物窮達應齊觀淵明  
現偉人畢世空投閒彈琴與飲酒笑語襟長歎微辭契道

妙冥心何怨言遺編照寰宇把讀怡心顏娟娟松柏林惠  
風流其間精金甯思鍛良玉非待鐫脊懷世已遠知音古  
所難

題畫贈易祖栻

天工擲下碧玉環飛龍游雲藏其間黑松使者管城子奪  
取秀色歸屏山天孫機杼垂天巧尺素徘徊度青鳥第一  
峯頭金餅圓雲霞照破壺天小松年院本非士夫大年一  
派傳倪迂鄭虔王維真秀絕丹青想像開元初十里江南  
小平遠湖山是處情繾綣漁艇泊香蓮浦秋隴犢眠青稻  
畦晚男兒生來心好奇天地畫筭眞吾師竭來坐我孤亭  
上貌取橫塘煙雨時

題易張有爲隱士李眉山畫蘿村圖歌

易君不費三日工青山移向晴窗中猩猩毛枯鯨血死河  
漢月黑垂長虹盤山磊落千萬峯多峯聳快稱厥雄塊然  
古翠洩靈祕入君墨沿無隱蹤君言峯好人更好多青山  
人世間少山人我亦舊相知聞君此言更傾倒唐宋丹青  
大有人每逢佳士乃傳真此子正宜置巖壑筆中有道交  
有神仙李盤根千五百矇瞳毘毘遭重謫恥將鵬鶚共飛  
騰甘與鰕鯁同窟宅白板青藜歸去來綠蘿陰處讀書臺  
紫蘭飄香黃鸝舞金花孔雀同徘徊冥心披髮成長往五  
雲無恙三芝長此村此畫世無兩

夏夕得易島庵浙江書

我意類焦土故人如甘霖相思隔萬里何能潤寸心相思  
燕山峻相思越水深燕山越水間中有明月臨不照合歡



被獨照孤桐琴盤中雙鯉魚袖裏雙南金清淚掩離緒悲  
喜交中襟書中多箴規古道良足欽花前一展讀空階凝  
碧雲

曉起登畫笥樓望西山晴雪

三更滕六翻雪車香篝宿火重簾遮街鼓寥寥破初日巡  
檐起視庭前花弄寒作輭雨無賴東風潦倒紛騰擎振衣  
高樓試騁日柳絲不見黃金芽城頭好山如揖客界天一  
道瑤光斜何處三百六十寺老松壓折空查丫我欲策杖  
訪流水屐齒破凍穿嶺呀琤鏦忽聞作簷溜嗒然坐對春  
無涯

冬日送玉有歸里

一帆高掛暮江頭萬里歸心葭莢洲早歲莫吟平子賦春

風還上仲宣樓山圍落日催寒葉水下平沙滯遠舟樽酒  
重傾歌未斷朔雲南雁動離憂

登平山絕頂

關山萬里望中收策杖危巖最上頭幾輔西來雄鎮列漁  
陽東去大河流歸樵獨立看雲晚游騎閑盤射雁秋今日  
三邊烽燧息晚煙斜照恣夷猶

春日攜李眉山彭湘南王蘭谷藏上人重游盤山自  
西甘東甘二澗厯上方東竺

上有可攀下可援亂石插腳松礙肩盤山之游信奇絕我  
今不到又幾年西峯朵朵開青蓮東峯半綰湘娥鬟中峯  
鵠立峙雲漢游人跡絕終古寒招呼勝友理幽事山瓶載  
酒春風顛陰崖未放百草坼暝溜暗滴層冰穿兩澗猿鳥

猶依然山中老僧還晏眠青冥可望不可躡  
軋軋筍輿爭後先一折一轉歷幽邃那知半嶺平如氈  
不愛坦夷愛險仄縋身卻下千仞淵雲根或有龍精纏  
不然棲止飛行仙攀蘿曳葛遞偃仰斷壁置屋琉璃懸  
綿埏退谷乍娟秀東庵錯錦花連天興闌亦復舍此去  
山靈啞啞嗤愚頑恨無奇句歷百怪只有爛醉輕萬緣  
後人莫惜破兩屐覓我題字春巖煙

游上方山

鴉飛紅樹報秋晴人在荆關畫裏行半日閑爲塵外客  
十年心契此山名蜂窠僧舍圍巖住螺髻雲梯疊石成  
絕頂茅庵游不到天風吹下轉經聲

漳臺懷古

炎靈焰盡土崩分譙上興師志不羣世系已從曹相國碑  
銘合署漢將軍無何賣履成悲泣幾見當塗是識文惟使  
陳思誇健筆感甄一賦不堪聞

畫意

喬木數家村結茅巖畔住隔離人語聲爲問前山路  
絕澗奔流下喧豕萬木中幽人雲外至疑是雨兼風  
浦口欲移舟前山矚將曙不見蘆中人但聞隔煙語  
濯足青林下長流曳古苔猿猱與麋鹿各自飲溪迴  
高人讀道書兀坐千峯裏雙鶴暮盤雲影在寒潭水  
尋山憑一杖芳草綠萋萋花落無人管春深叫竹雞

誠恪親王允祕

聖祖第二十四子

冬至早朝

律轉升新佳氣催玉繩遙報早春回日臨錦戶初添綫雪  
霽香階欲放梅曉景氤氲凝殿闕雲光燦爛護蓬萊千官  
拜舞瑤墀下華祝嵩呼獻壽杯

晚晴移詩匯卷六目錄

和恭親王弘晝

二首

果恭郡王弘瞻

十四首

履端親王永瑛

十三首

質莊親王永瑤

五首

成哲親王永理

三十首

貝勒永基

三首

惠端親王綿愉

一首

恭忠親王奕訢

十三首

醇賢親王奕譞

十二首

孚敬郡王奕誨

一首

晚晴移詩匯卷六

徐世昌

和恭親王弘晝

世宗第五子有稽古齋集

詩話和恭親王集初成於雍正八年高宗在潛邸  
爲作序乾隆十一年重行付刻高宗復爲作序備  
言少時同學相友愛習爲詩古文辭極天倫之樂朱  
文端蔣文肅蔡文勤一時內直諸公皆有弁言深相  
推許

積書巖

河北鍾靈氣巖深蘊太虛層山饒邃谷石室爲藏書祕軸  
雲嵐合遺文苔蘚餘茂先推博學對此定何如

秋日讀書

微雨瀟瀟生嫩涼藕花零落滿池塘地寬月到中天小氣

爽風過野水長觀物無心參造化開編有得卽文章佳辰  
好景登高近更索新吟入錦囊

果恭郡王弘瞻號經畬道人

世宗第六子襲果親王降貝勒進郡王有鳴盛集

詩話經畬道人幼受詩法於沈歸愚尚書恪守三唐  
遺軌近體尤高秀五言如春衣孤燭外殘雪五更中  
鳥啼春澗靜飯罷野雲涼四山連野暗一鳥破煙來  
雨聲歇枕厭蛩語人秋高七言如暝色煙含孤鳥沒  
秋聲葉帶一僧來垂虹屋角收殘雨斜日牆頭出斷  
山入塞雁聲驚夢早過江山色到船稀三徑雲遮雙  
樹黑五更寒入一燈青皆婉約可誦不失中晚風度  
乾隆壬午夏九州情晏災道人後至談笑自若高  
宗意不憚會其門客有干請政事者坐是降貝勒道  
人敗門引咎抑鬱致疾高宗幸其邸撫慰復進郡  
王不數日卽薨

重登天成寺江山一覽閣

曉日萬峯幽重來憶舊游空林葉盡落清磬一聲秋圖畫



窗中得煙霞眼底收高歌思控鶴雙袖挹浮邱

題倪雲林畫

亂山重疊樹槎枒曲徑偏宜處士家想見虛亭吟眺處夕陽無限繞寒鴉

山莊

路接西山闢小莊柴門過雨靜年芳不容人到花垂地偶卷簾高燕在梁野草遠分流水碧夕陽斜照亂峯黃蘿陰是處堪延屨肯數藍田華子岡

和紫瓊主人卽事用端卿韻

庭院深深遠市譁薄寒輕暖護窗紗春林剔蘚思題石夜雨移鐙爲看花樓外鳥啼詩夢破風前人立帽簷斜紅橋暇日期相訪載酒隨君玩物華

奉輓二十一叔父愼郡王

悲風無端來朱炎生凜冽咫尺紫瓊巖幽明頓隔絕平生  
與我厚古意相刪切騷壇許聯吟綺筵時促膝過從喜獨  
便歡娛難具述百年似風鐙修短本難詰所恨賢豪身頽  
萎太恩卒耿耿懷抱閒作惡那可說哭聲撼穹閭哀哀聳  
毛髮痛定轉生疑迷罔坐一室檢點舊雲煙兩幃驪珠匹  
詎知諄懇意卽此兆永訣天朝篤宗親優詔蒙矜卹叔其  
可無憾而我轉蕭瑟悲哉三友圖早見霜松折賓客助悽  
愴琴書防散逸蓋棺事則已流芬憑史筆物望儼開平千  
秋高鬱嶽

春草

春風消息散平原爲愛離離野草繁望裏鶯花三月路愁

中煙雨六朝魂乍隨柳色青連岸斜逐溪流綠到門漫向  
陌頭尋往事依然南浦悵王孫

窗前生意始纖纖小院稀鋤色更添往日夕陽吟杜蘅祇  
今春水賦江淹晴烘芳徑侵朱履雨暗空閨映翠簾倘過  
午橋風景地白羊還認酒家帘

春來是處總關情偏近池塘雨後生滋蔓傍人如有意托  
根隨地不知名裙腰一道撩飛蝶釵股千莖襯落英莫把  
官袍論顏色年年空惹路塵輕

謁十七叔果毅親王墓禮成感賦

寢門宿草淚絲絲寒食風前獨到時遺愛伏恭賴猶子招  
魂伯道痛無兒昔年早上東平頌此日空瞻北海碑莫怪  
杜鵑啼不住棠梨一夜滿空枝

松雪畫蘭

昨宵有夢落空谷  
開匣氤氲香滿幅  
鷗波亭畔好春光  
露凝點點風揚揚  
巧從薺斗開生面  
筆陣縱橫墨花燦  
天目山坳髣髴逢  
至元款識尋常見  
夙聞畫馬殊有神  
風毛霧鬣看猶新  
換手忽傳林下態  
多情應對管夫人  
敷榮詎肯同蕭艾  
嫩葉千莖綠玉碎  
小窗展對讀離騷  
可許楚臣紉作佩  
九畹幽芳靜裏含  
秋來搖落有誰採  
一拳瘦石根無土  
珍重同時鄭所南

秋晚

斜日大荒西  
晴沙散馬蹄  
旗翻千帳靜  
木落萬山低  
遠塞看鴻雁  
連營絕鼓鼙  
關河渺長望  
衰草尙萋萋

野望

落日照延佇秋深沙塞間天低疑近水雲動欲移山鉛槧  
聊從好弓刀敢就閒遙看點蒼隼千里片時還

輓周蘭坡先生三十韻

今代鑾坡側斯人不易求節還驚蛻委鶴化憶仙游禁地  
權初接騷壇契早投星雲煥彝鼎風雨落琳球典冊羣推  
馬長城快倚劉數談知少日流覽足前修研發看犀利機  
行肯逗遛已聞翔鸞驚暫遣繫驂駟應詔鱣堂喜程材鐵  
網收科名新押榜館閣舊登洲蘇陸遙宗法沈張近比侔  
台階行貳秩仙仗謁南州遂命參桓傳誰容附李舟龍鍾  
偏作態蓬梗動懷憂朝借鄰家蹇沾憑御賜裘後生誇奪  
錦多病欲扶鳩小酌能過訪分題互勸酬層層蕉葉剝軋  
軋繭絲抽敵破探囊底鐙傳豎指頭濠梁觀唼喋林木送

鈎輈聲逐瑤琴斷光仍寶墨浮老成紛落葉塵世幻輕漚  
細想無餘恨祇緣未乞休此生原特達底事類窮愁架尙  
堆千卷車甯要八騶重泉魂渺渺殘雪路悠悠旅櫬寒郊  
厝遺孤薄宦留春隨漁艇發江入海門幽姓氏垂青簡襟  
期在白鷗鄉諸弟子若箇涕先流

早春園居卽事

昨夜初停鐙市囂小園暫遣息塵勞山排疎樹偏迎榻水  
帶春冰不受篙位置鼎鑄添茗譜部分桃柳設花曹太平  
消得閒中味休信林泉學養高

履端親王永琰

高宗第四子有寄暢齋詩稿

詩話故事每以皇子出後諸王承其封爵亦有諸王  
尚有子孫而特命皇子爲之後者如雍正朝莊恪親

王出後莊端親王乾隆朝王山後履懿親王皆是王  
詩意度高華風格傳上七言近體如日移牆角雲侵  
楊風滿樓頭雨在山長隄柳密魚爭出深院花開蝶  
未知水邨斜揭漁蓑月山郭輕披牧笛風天末颿如  
秋葉下橋邊柳憶夜鳥啼片雲偶作風前雨落日旋  
烘霽後嵐其神味聲律不在晚唐韓吳羅韋諸家下  
也

### 觀鶴舞

幽人慣調鶴散步臨前墀興來觀其舞開籠無常期胎仙  
若解意小立修容儀徐焉頓修趾雙翩俄參差暫離芳春  
地不上喬松枝徘徊弄逸態宛轉矜殊姿驚鴻方振迅翔  
鳳偏威垂煙霧隱芝圃風雨生瑤池詎嫌心目眩祇覺精  
神移軒翥亦已久歛翼還自持橫空騁天步華表忘歸時  
顧念馴養恩雲外憑招之低徊同戲綵不愧林家兒

### 古劍

性喜得古書今乃得古劍不知幾千秋埋沒無人按底用  
倚天長三尺未逾半呼童忽開匣何待引杯看土繡掩神  
光蒼虬掉尾健秋水想澄清精氣激雷電自有辟兵方衛  
身君子便魑魅早潛形肯辱佞臣斷拔跡起重泉將毋遇  
雷煥靈寶善藏鋒不須商利鈍紫氣隱文房莫遣斗間見  
放魚子

取魚禁鯢鮪况剖腹中子何來赤鯁公沫血待乾死校人  
貪作膾環顧動食指自斃望重生愛物憎於理祇憐魚子  
恬託命泥沙裏曾記放生篇方法猶堪擬團土護其胞渾  
全毋破毀攜籃置深淵鯨吞知免矣日暖藻含溫戢戢浮  
清泚但使疏網羅慎勿恣刀匕

和海住先生登薊門獨樂寺觀音閣韻



我昔經漁陽振衣上傑閣回首春風頗幾度吹花萼蹲龍  
去天咫怖鴿見人愕四禪雲與齊三乘塵莫著人海浩腳  
下踏踏輪躑錯翹首睨烏蟾光明金鏡灼平地湧珍樓有  
目俱仰矚緬憶布金日良工巧營度四圍山青青千里煙  
漠漠直擬妙高臺時沾香雨落誰欺運帚書墨痕濕猶昨  
君居慚愧林性與俗緣薄登臨得佳趣客况靜於鶴憑高  
賦大篇壓倒青蓮作正似遇崔顥口噤手難拓詰弟妙詞  
翰苦思敢約略彷彿鬪詩械偏師互跳脫押韻比說偈茲  
游樂莫樂縱教未同往補和心亦足丈六接尺五梵論信  
昭廓彼岸望非遙慈航欣可託水觀先生家樓名倘容登庶愜  
雪山諾

東海神山有神樹神荼鬱壘爲其主閼領眾鬼輒執之持  
飼千年白額虎祓除不祥信有徵軒轅法象非無取爰從  
度索伐桃枝削版成符制度古寸長則六方則三如法書  
文色配五或描葦葉象蕃鮮或繪人形振威怒錫名仙木  
祝長生歲杪紛紛家著戶後來圖畫失真意直作門神忘  
初祖冠裳介冑總矜嚴兩兩成行備文武魑魅爭先不敢  
窺靜鎮雙扉勞禦侮綠章願奏策勳詞戶牖侯封應及汝  
縱能金印肘後垂生面凌煙常快覩退歸擬學笑東坡何  
惜掃門羞噲伍年年遷次讓新官名位依然守銓叙所嗟  
古制復已難雲掩綏山不知處

銅雀瓦硯歌

阿瞞漢賊非漢臣營窟乃在漳河濱銅雀高臺入霄漢參

差瓦縫排魚鱗太息人生祇如夢光陰老向軍中送分香  
賣履事難言望斷西陵含隱痛中原劫運幾滄桑棟宇飛  
灰草樹荒石墨那堪供染翰硯材差喜發幽光幻化木鴛  
鴦成斑亦鸛鵒佳品自澄泥奇珍踰美玉卻想觚棱金碧  
時琉璃片片亞檐垂誰能磨盾頻飛檄但說臨江自詠詩  
到今遺瓦苔斑駁文房好倩良工斲君不見建安年號記  
分明漢鼎雖遷留正朔

南海子行

君不見飛放之泊傳自元百六十里周繚垣紅門四闢通  
苑路苑中極目皆平原略無高山有流水長林迤邐豐草  
繁頭鵝詐馬有餘閒于焉較獵懸鵜貍勝地一從歸勝國  
仁虞舊院無人識掃除榛莽撥禁軍曾記英公親奉勅官

術忽被闢寺專豹房尙指荒邱側太阿旁落國步難遑問  
區區此疆域我朝龍興天下歸千里和會尊邦畿廢苑從  
茲作靈囿豫游幾暇揚鸞旗雲間八陣時閱武風捲三驅  
大合圍慙懃習勞奉家法扈從棣萼欣交輝百年海戶千  
人守七十二橋通澤藪三臺連峙三海深指點關河近雙  
柳新池飲鹿閒苹蒿舊蹟晾鷹存培塿官莊分設四五家  
歲納芻茭別無取頗見道觀雜僧廬靈風梵雨來空虛酒  
肉茅山失法派瞿曇種類尤紛如膏腴寬敞便飛走大壑  
於牧還多魚雨露栽培經歲月離宮鼎足皆皇居詰戎大  
事首馬政雁臣貢入龍媒盛六廐超遙八駿蹏監牧攻駒  
嚴禁令何須苜蓿與渥洼甘草如飴水如鏡雲錦照眼勝  
谷量土壤宜之順其性圍場習獵凡幾回黑頭頰覺青春

催伯仲當初我最少今日俄攜諸季來更憐子姪並壯大  
短衣晨夕想追陪鸞弓敢辭臂力輒振觸舊況增清哀況  
復從游懷杖履自別音塵幾彈指人間屢歎絮酒傾天上  
頻嗟玉樓起賞花得句能幾春也復傷神判生死者番經  
幄集羣賢只有蔡侯還到此臨風無限古今情天開陸海  
依神京長楊熊館詎足擬馳騁信足豪生平喧笑未終感  
慨集鶯囀燕語兼蛙鳴轉眼清和賦歸去挑鐙且快揮毫  
成

秀巖上人以孟夏曉起詩見示卽次原韻

不礙塵寰住偏憐曉氣清五更殘月落一雨亂蛙鳴林外  
鐘催曙簷前鵲報晴上人推枕起詩思此中生

懷紫瓊叔祖兼索近作

何事難偷半日閒金蘭情味暗相關春來曾仗詩消日老去甯從酒借顏避俗心清新雨後懷人夢斷亂雲間豈無片羽應投我馳字催君少破慳

花朝

冀葉全開且未凋眾香國裏景偏饒百花生日傳何代二月春光判此朝撲蝶試看新扇影鬻蠶應傍舊桑條東風不爲游人住九十韶華惜半消

雨中馬上聞經畬道人訃音

蚤知勿藥翻長往悔不臨行重問看揮淚山川同黯淡傷心風雨倍蕭寒何堪少小頻攜手頓遣歸來賸撫棺從此瑤琴難再鼓詩成無意費吟安

出古北口

放晴眞欲謝山靈清淺潮河策馬經流水無情吞舊堞危  
巒因勢起孤亭沙留平磧惟添白煙帶荒邨未斷者何必  
防秋分內外嬴秦終是小朝廷

過孔武壯王有德基

王本昆山後支分遼水東風雲需際會草澤見英雄皮島  
才初展吳橋計漸窮天教投上國時至樹宏功締造膺皇  
眷招徠錫命隆師仍提舊部衙獨授元戎袍解豐貂暖筵  
張秘殿融直將心腹待應竭股肱忠兵特稱天祐恩尤出  
聖衷鼓鼙勞乍效銀幣賚何豐國號承基大宗王拜爵同  
威揚平壤外聲震塞垣中降將開山海偏師佐鄧馮賊氛  
旋拉朽明業已飄蓬定鼎邀殊賞爲屏冠上公自茲頻討  
亂所向輒橫空捷屢馳吳楚銘兼勒華嵩定南封更晉壤

外獎宜崇疆圉偏多事干城合鞠躬蠻方琛未獻粵徼道  
宜通遠統貔貅往親蒙矢石攻桂林除跋扈梧野起疲癯  
反側行看盡功名惜未終潢池妖復熾荏澤孽潛訐大帥  
成孤注危城倚上穹來援音杳杳出戰勢怱怱冠裂肝俱  
碎袍沾血盡紅肯將身落賊爭覺氣如虹素帛全遺體丹  
忱報直聰盟無慙帶礪軍竟化沙蟲馬革酬專闔牛眠敕  
考工烈名標武壯曠典荷帡幪我偶紆吟轡人來說殯宮  
由來能擇主浩歎緬英風

質莊親王永琰

高宗第六子有九思堂詩鈔

詩話質莊親王善書出入率更承旨二家虛和道麗  
詒晉之亞亦工畫山水守宋元矩獲造與紫瓊瑤華  
相頡頏嘗屬無錫華慶冠吉崖寫照自爲補圖題曰  
聽秋陳勾山太僕爲題識略言宋王駙馬愛畫寒林



秋水米老謂卽此見其貴而不驕況出自帝子乎又以勾山與金雨叔侍郎詠蚶酬唱戲作蚶田圖圖中爲蚶四俯仰參差生趣遠出

### 擬陳拾遺修竹篇

籊籊產終南嶰壑互深邃湛露滋甘膏流泉激清吹含氣  
儕芸生獨秉造化粹猗猗發崇標垂條鬱森萃風迴玉夏  
音雲披色含翠靈根待鳳凰空山辟魍魎崑崙崙萬里遠聖  
世有嘉瑞虛中抱宮商韶咸於以被當其植幹時堅貞有  
真意松柏得其傳桃李良自愧篠簜亦多材效長終遠致  
緬彼有筠姿風契結寤寐

### 廿六日度羅睺嶺入潭柘岫雲禪林

曉夢破濤聲幽禽近枝囀畏寒尙擁衾言補昨朝倦東方  
浴海嗽野氣若蒸甌招提伯仲間廿里無平甸威紆良背

行眼暈逐峯轉攀徑肖猿緣到頂儼螺旋僕夫惜馬踈陟  
降輒原巘渾河俯潏流青蚪盤一線亂石叱餘羊雜花墮  
疑鈿邨氓傍嶺居廚煙互蔥蒨頗遜上洞佳山中小宜下  
巽仙過山山愈積晴嵐移九面培塿幻松岡蕙蒔出蓮殿  
餐秀不療飢淨盃分鼈麵坐禪芟晉談走病取吳諺礪泉  
語幽修引入丁東院遵途勞佚殊閱候喧淒變卻睇前峯  
雪已空桑宿戀

尹望山招絢春園雅集

春風裊裊吹餘寒柳枝欲綠梅舒丹纖塵不起四郊淨白  
雲澹蕩天宇寬何處去天才一握平津別墅饒芳藥主人  
愛客兼愛詩羣公問字經過數良辰招客琴尊開華簪珠  
履登春臺旋膾銀鱗出翠金還傾琥珀注深杯九州英彥

蓬萊友五十年中輩先後擊盞哦詩詩盡成薄罰停催金  
谷酒當筵日轉層城霞紅亭綺榭流清華源頭活水承太  
液絢春題榜來天家嵐光翠滴西山暮漠漠微煙籠苑樹  
樹頭鳥宿酒微醒天際雲歸客初去東閣深沈淑景遲風  
光咫尺悵攀追拈毫漫作邯鄲步一曲陽春和者誰

長生無極漢瓦硯歌

阿房土焦未央起萬歲千秋功莫毀金仙去渭荆棘燕片  
瓦往往珍璠璣中凹上銳形式古銅雀香菱濫觴祖鑄成  
吉語誰氏題意取壽與金湯齊長生海外方難得炎祚魏  
巍永無極當時慎重命將作豈謂年深土花蝕漢家宮闕  
天下雄襟帶馮翊連扶風候真但願益延壽桂館旁峙蜚  
廉通至今雍耀出耕墾銘識屢見摩挲同乃知頌禱賴夸

節靈光過眼煙雲空吁嗟此瓦滄桑閱隸法斯邕細堪別  
秦鏡塵昏莽錢缺幸未磨穿勁於鐵春風無賴荒石田曉  
露不滴金莖圓誰能裏攜直中禁倚馬更賦甘泉篇

晴

新雨池塘足清晨喜乍晴小橋垂柳色深巷賣花聲鳥語  
迎人樂山容照眼明高樓春一望徒倚暢吟情

成哲親王永理

高宗十一子有詒晉齋集

定郡王載銓曰立義卓雅詞旨沈潛淵博之中多出  
新意雋逸之外悉本典故墳奧旨深辭非文人所能企  
麟魁曰宗潢人文自紅蘭只子首倡風雅問亭將  
軍紫幢居士曉亭侍郎月山上公後先繼起近則首  
推成哲親王天才既超學力復粹詩古  
文辭動合典則臨池不倦書法尤高  
詩話成哲親王學詣並美爲有清一代宋邸之冠年  
事既高著作遂富詩以言志卓爾不羣同時上齋酬

唱諸人往往附見具知師法蔚有本  
原唐宋以來帝子工文實罕其匹也

### 秋分日作

喬木眾綠退寥天緒風起迨此夕陽好忽共流波靡自有  
中天月可以見千里山川阻且修白露零未已

### 出古北口

複嶺風雲鬱層關霄漢開古愁輪遠浪寒色上荒臺飲馬  
生泉徧連烽到海迴悠然一片月曾照舊龍堆

### 寒雨吟

行雲晦藹西山岑蒼然暝色成輕陰初看小苑收殘照漸  
覺涼風動遠林涼風颯颯吹旋急細雨絲絲芳樹濕鳴鑪  
小餅自添熏鴛瓦層檐未聞滴轆轤金井闌邊轉隔花宮  
漏宵寒淺暗疑溥露湛金英靜喜霏香潤蒼蘚金英還雜

還蒼蘚正參差芳懷漠漠秋懷並寒淺寒深祇自知空階  
絡緯唳聲小半落紅蓮向宮沼高樓雁響此時沉寒雨機  
聲何處好霏微寒雨暮秋天羅幔秋鐙黯澹邊秋衣準擬  
明朝換明日簾櫳冷翠煙

閒庭

漠漠閒庭納景寬玉闌干外水光寒春來別有雙梅樹欲  
寄情深落筆難

明霞散彩小樓西碧柳初長紫燕颺正是閒庭風景暮游  
人歸去草萋萋

渡句驪河

句驪之河河水古貞觀萬馬飲馬渡淤泥塞道軍負土行  
人欲尋失故處何況司馬懿與公孫淵一勝一敗千餘年

蕭蕭野岸水無言西流繞出鄧子村遼西河之右遼東河  
之左太平疆界無彼我河左遼之東河右遼之西年年入  
貢高句驪

過古原州

句驪河畔曉陰稠河水無聲漫漫流兩漿船頭漁父坐亂  
煙寒雨古原州

老邊

華路開維始神皋勝可論數傳天下大當日老邊存爲是  
邠岐地如觀江漢源民風政淳樸耕鑿到兒孫

韓太傅祠

弱齡誦古策意本嗜韓詩外傳數萬言逸事賅信疑昔者  
仲尼徒一本乃百支祖龍煬爲煙遺老伏餘黎漢興稍收

拾厥初人異師師異雖紛紜淵源各能持太傅尤卓然方  
當文景時黃老芥青紫抱經如不知下馬肅修容再拜三  
間祠陟彼授經臺低徊步難移小宛之四章慨彼日月斯  
太傅闡其旨切切作箴規苟能日益慎完如金城基六語  
奧而簡夙昔服膺之修能迄無謂出門顏忸怩

汶上

一水中涵翠浪明北連曉色泰安城煙蓑嫋嫋停橈處汶  
上春陰畫不成

曲阿後湖用顏延年三月三日侍遊韻贈吉渭厓先  
生

發歲徂南征江路紆上游俶裝被霜雪駕言發皇州歷覽  
岱嶧陽涉亂淮湖流飛雲傍轉轂皓魄隨行舟觀濤海門



出采華京口浮潏潏弄湖水琴麗揚翠旂閱軍戰艦罷擊  
汰棹女謳側聞東海神具禮傾十州嘉哉靜姝子不字非  
其疇翩翩金馬彥養疾棲林邱相逢話離索迨此東風柔  
歎菊

千山凜嚴宵眾木落清曉我行木蘭中滿目秋事老憶我  
寓舍菊階砌舊繚繞或能凌霜風及歸遂幽討寒窗暫憑  
藉短簪急灑掃而何一悵意委地竟衰槁枝梢助憔悴姿  
格失窈窕鬧蜂遠颺去吟蟲近縈抱誰云冥情思祇是觸  
煩惱萬物固代謝菁英焉可保留連自愴惻毋乃乖達道  
顧念手親栽胡能首輕掉雖乏靚妝豔庶期素襟表賦質  
良苦薄一榮如過鳥使我興欲索胡爲劇潦倒明晨捨之  
歸策馬意悄悄

題李時勉詩箋

每撫詩箋感昔賢墨痕滿目意淒然金瓜事慘洪熙世木  
校身危正統年指鹿朝廷誰直道多魚將帥竟生還諸生  
亦見何蕃輩肯爲孤臣伏闕前

崖口同朱石君先生作

雙崖豁蒼穹萬仞削壁直將將象積石左右屹如植疏峯  
鎮其巒仍巖衛其闕閭闔何其衢虎豹守其塞攀愁猿猱  
足過窮飛鳥翼老藤束跼危怪松出剝刻太古無登降莓  
苔厚黝黑崖陽榮靈草素霜莫能蝕崖陰處山鬼噉日安  
得仄峭門軋關鍵百寶氣屯逼龜山橫西南伊孫中抑滅  
理無生使獨意驚見所域含暉娛已極蘊眞賞何亟從獵  
蘭臺英敬爾載筆職不見燕然銘千載無變泐

春游故事

上春時節上京游  
春雨春風儘未休  
何處行雲停翠管  
幾家明月入朱樓  
山亭小部唐三輔  
蠟燭輕煙漢五侯  
燕子只知尋社壘  
一年一度認簾鉤

游澄懷園呈姚息齋鄭雲門茅耕亭秦易堂戴石士五先生

春水隨風綠到門  
熙朝宰輔舊名園  
諸公退食惟文史  
深屋端居簡晤言  
花影猶能向晴昊  
禽聲已復勸清尊  
請看百畝樓臺地  
薜荔煙痕上短垣

自題畫梅

蒼蒼暮景翻歸鴉  
玉房掣鎖玉繩斜  
春愁浩蕩不可說  
東溟皓魄照寒花  
羅浮仙人翠鸞車  
水蒼鏘然戛衝牙  
飛雲

亂絮相交加大庾嵯峨阻且遐江城入破聽不得策杖矯  
首還歸家雪如春愁亂如麻芳草漠漠生天涯

隗囂盤歌

隗囂故宮盤數枚秦州山農鋤出者杜老吟時殿已空悠  
悠忽復千年也白水眞人老兵事得隴望蜀心猶且飄燈  
小雪照題詩磨墨阿瞞臺上瓦

易州道中作

鞭梢拂地出春明何止人間萬里行馬上春山南北夢耳  
邊寒水古今聲草回原燒青纔動柳受邊風綠未成正是  
清明兼上已去年零雨最關情

山亭避雨

詰曲山行雨色深非關野步負登臨孤亭古樹葉微脫眾

壑邊秋地易陰隔岸影寒搖水草投煙聲濕倦山禽不知  
油蓋從誰借坐久漸忘人世心

望松歌

連岡疊巘何嵯峨萬松拂鬱翻雲濤中有一松特矯出高  
張華蓋撐秋霄華蓋層層天沈寥激景太半明纖豪如開  
玉女窗引手攀招搖又如懸黎之履照灼璇宮朝絳節不  
動剛風饗寶鬘瓊瑤交煜爚離婁目奪珠幢標帝車龍角  
方魁曲杓軒軒孔鬣翩翩鳳翹蓬萊海水若不淺日桑月  
桂枝葉行相轆問年乃在循蜚疏乞泰古始顛秦躡漢草  
木兒孫曹其下當有偃佺之輩羨門之曹拍肩把袂羣游  
邀寒麟臞鹿蒼梧醪欲往從之山甚高側身西望心煩勞

題漢西嶽華山碑

漢家西嶽華山碑世間兩本此第一商邱巡撫之所藏秀  
水檢討有題筆吁嗟魏公四字印亦欲遐傳守毋失誰能  
老飢抱文字蠶紙猶向人間出自秦登山誦略興兩京文  
章富石墨嶧碑雖焚棗木撫岱碑云亡內司刻太華極天  
應井鬼少昊所治秦所國徒聞遺壁鎬池君不見臣斯與  
臣德茫茫萬古此石存岌岌溟翻老沙泐搗本絕少傳已  
難最願又遭媚子踣達官當時勢絕倫古物一文錢不直  
我曾再拜金天墓大碣荒莎風雨蝕此碑忽復曳長繩能  
不興懷同歎息文云漢興紹前制虞典周官稽警蹕孝武  
之世廟貌隆特起尊嚴闕宮恤門曰望仙宮集靈志荒意  
惑長生術欲就鶉首相酌斟遂呼天神來博塞國祚中闕  
祀事衰太守能賢重修職朝端昏棄曠明禋稍稍規模率

錢力延熹至今浩千年十字之外無缺佚重如元雲垂下  
天輕若風斤得其質素蛾一片中秋中泰折層成北郊北  
黃河之水星宿來蛟擲龍騰相逼仄商盤魯壺在崇坵瓊  
草金芝上仙植如華萬仞絕攀援人間紙筆書不得法書  
迴可日月垂其人豈必中郎實察書市石無了期又於徐  
趙爲蚶翼小儒舌舉恥闕疑大抵紛紛決以臆我生兩手  
懸鈍椎握管僵如著在扞傍通二篆貫八分少年鹵莽謂  
可必闕里宮牆兩拜瞻強復低徊史與乙忽然季子見韶  
簡何止歐陽坐旬日秀水修撰詩七言商邱侍讀金十鑑  
風流坐映康熙朝不愧紉書在石室

聯輝樓侍諸先生小飲

我有一園花婉孌相窈窕春風一披拂去日常不少羸馬

長安游紅塵令人老魏其身治具晨起自灑掃貴人驕不  
來既來苦不早失意杯酒間毛羽安能保不如同心人歡  
言結崇抱君如欲看花及此顏色好

送稚存先生給假還里

一杯酒相情親人生安得無故人相情親一杯酒故人那  
得無分手去年春寒花未開穀人先生搖艇走庭虛情滿  
思念深一日何嘗不在口君無吳君膳羞戀白雲更不煩  
搔首英年幕府辟才賢博學宮端冠師友信知縱跡半風  
塵未遽容顏全老醜何爲匆匆卷裝去邂逅無由折楊柳  
君言令弟罷微員昨接家書謫積朽寒冗倖祿恩何酬期  
功在官顏孔厚雙鳬乘雁足江湖密篠疎松合箕帚閉門  
須多著書日況今年才四十九古來良士不文章世上枯



墳竟誰某鵠原盡急歸亦得溫樹無言意非偶錫泉甘甘  
不吾負到及新茶綠如韭但恐吳君解笑人此行已落春  
花後

題近香樓

四坐且莫誼聽我說此樓清華舊里東北頭興替甲子今  
三周丹稜泝邊萬泉出貴家往往分清流米園李園最森  
爽其餘瑣瑣營林邱千金大石卧野色一夕小苑來邊愁  
米萬鍾得大石於西山力不  
能致又遭亂遂棄之良鄉  
內城有窟竟飲馬春草無場  
堪擊毬天地變化太平見八極閑暇無煩憂長白索公坐  
內閣堂封實戶輕王侯安知進宅事良有但說旋馬心誠  
羞春明勝奪董宇定金陵記掩王弇州聖人誥誠出深厚  
孝經四字垂琳瑯保全委曲國體大寵賂太甚民言浮相

公猶嫌起無地掌武苦欲名常留荷花空對石磯冷燕子

亦知簾幕收

園爲索額圖賜園有仁皇制節謹度匾額後燬於火今唯御筆青翠霄漢四大字懸樓

上索卒

以修敗南齋舊輩話恩遇

憲皇特詔登瀛州宮監賜霑

豔侍從集賢改榜崇儒修城南羸驂念奔走苑東廣廈教  
番休蠹書一變華廬色布被卻向單寒求及開書房置師  
傅遂許名儒來息游李躬由來擅年學蘇秦不得干春秋  
繫余苦憶幾老宿草野本色酣巖幽朱門蓬戶底差別黃  
髮青鐙心尙猶寅入申歸事不廢五休十澣私得謀恩波  
深長曷有極表寧清貴眞無儔雖然崇抱在銅鉢不慙通  
講歌銀舟有時退食散情性舊醅小榼相綢繆每攜一味  
對咀嚼肯復兼旬孤唱酬葛山宮師九十二碩果高映天  
南陬曾描八友作圖畫昔也豔豔今悠悠而我書房四十

載抱孫屢及師門投藏心故實說難了滿眼新歡來更稠  
溪聲樹色工閱客樓上光陰如傳郵

天平山

天平山上先賢祠萬石林立留人衣祠前草木合恭敬況  
是古荆連理枝黃鶯高下引空曲翠壁往復工蔽虧當頭  
忽見太湖白春風渺渺無津涯

滄浪亭

滄浪亭子枕石湖宋賢遺跡俱荒蕪楊花輕輕魚作隊蒲  
葉短短鳬將雛薄游城南趁佳日煙景稍曠筌歌疎歐公  
詩話自千古衡劑未肯分梅蘇

觀潮小引

海風捲雲入車箱白波一縷起東方須臾雪濤萬丈強震

霆倏過澄江光來如戰酣去如忘天地動定非可常端居  
未始觀物變小知笑彼圖南翔

自怡

自笑詩成債猶愁歲欲殘栖遲深屋裏拳曲陳毫端老眼  
垂垂暗名家的的難終年無合作將底世人看  
世未稀真鑒吾惟取自怡龕材貪撥悶暮景厭徇知服散  
行移晷焚香坐閱時八方求道後無限夕陽遲

貝勒永璫

高宗第十二子有日課詩藁

題十一兄漁隱圖

江湖有散人雅尙凌仙嶠青笠綠蓑衣泛宅逐蓬蘞扁舟  
澹容與鷺鷥作同調長物唯緡竿至足在漁釣白雲從空

流眠月仰天笑目極宇宙寬浩蕩無遺眺朱門多紛營櫻  
縛苦糾繞而此獨逍遙忘機自舒嘯咄彼抗塵容翹心束  
帛召

德壽寺牡丹短歌

飛放泊邊春不淺德壽寺裏流鶯囀探花笑我馬騰騰待  
客無僧旛閃閃百年已是干戈靖一龕獨任光陰轉洛陽  
姚黃不須問且對繁英生蒼蘚今日看花花莫放來日看  
花花莫歛花應知我非世情與爾相看動幽感

木蘭秋夜

雲歛長空素月圓碧天秋色鎖寒煙不知雁響沈何處古  
塞疏鐙客未眠

惠端親王綿愉

仁宗第五子有愛日齋集

詩語咸豐癸丑寇犯畿南以重陽日御殿頒印並出文宗授王奉命大將軍佩用故王集中有重陽日出宣宗所賜銳捷刀命王君寵刀印捧競競任重心惶恐述此事也僧忠親王時為參贊大臣詩中有追悼詔當作於僧邸死綏之後

步孫符卿游園韻

公退行吟地煙霞繞此閒園亭臨佛寺雲日近仙寰新漲波三折枯藤手一攀我師謝安石游興滿東山

恭忠親王奕訢號樂道主人

宣宗第六子有賡獻集帖妃懷音樂道堂古近體詩萃錦吟

詩話恭忠親王夙為宣宗鍾愛嘗與文宗共肄武事賡鐔揚威赫華協力錫名所寓朔勉良深咸豐之季文宗出幸樂陽負重投艱功在社稷穆宗德宗兩朝匡襄大政棐忱盡勩史不勝書中問亦

嘗退居晚乃復起卒以盡瘁萃錦吟皆集唐人句其  
時正值罷政瘖口噤音見於言表唐堂香屑所處迥  
殊固未可同日語也

琉璃河口占

山尖靄靄含青靄林外蒼茫罨曉煙兩岸荻花秋瑟瑟數  
行雁字點晴天

易州道中詠懷古跡五首用杜工部韻

淒涼百戰瘡痍地亘古英雄草莽間風韻蕭蕭生易水雲  
陰漠漠擁燕山銅駝歷劫觀興廢鴻雁忘情自往還萬壑  
千巖環削劣亂峯高聳紫荆關

黃金臺畔足傷悲盛禮當年比事師市駿按圖來異種翹  
材挾策萃同時卑身厚幣殷勤致雪恥親賢夙夜思一陷  
臨淄城七十垂成功業誤多疑

兩峯削立勢如門隱約林坳見古村落木遠巒煙黯黯孤  
城平野月昏昏朔風似訴燕丹恨流水難招俠客魂千載  
悲歌徒感慨一鐙青史細評論

荆客輕生辭故國就車慷慨向秦宮咸陽設險三關上督  
亢全拋半幅巾酒市高歌空俠士桃源避世說漁翁未能  
拔劍如曹劇勝負興亡一夢同

移禍喪身何計拙田光智勇豈言高欲同楚國稱三戶竟  
使秦兵虜二毛虛擲頭顱傷長者枉求七首副兒曹阿房  
一樣成焦土漫詡長城締造勞

七弟二十壽辰

名園蔚秀絢秋光壽客筵開菊正黃廿載墳簾同硯席九  
霄雨露浥瓊觴平原筆力能穿紙小謝詩才更擅場聖主



恩深垂念切一編花萼許聯芳

鑑園遺興集句

積感深於海拋杯瀉玉缸山公能飲酒謝守但臨窗星轉  
銀河夕風欹翠竹在朱霜荷已敗溪鳥不成雙  
白屋懸塵榻情忘趣轉閒感時空寂寞因病縱疏頑窗外  
皆連水牆頭亦有山偶來松樹下新月照澄灣  
自顧才能少非關養性靈亂鴉投落日孤鶴在高冥乘月  
託宵夢焚香閱道經百年夜銷半生事感浮萍  
永懷愁不寐挑盡草堂燈半月無雙影看心是一乘離情  
欲寄鳥吟客靜於僧到處慵開口忘言少愛憎

新秋集句

鳥臨窗語報天晴冰簟銀牀夢不成萬物盡

並一作

遭風鼓

動一生長共月虧盈時沽村酒當軒酌自與煙蘿結野情  
試上層樓情入骨蟬移高柳送殘聲

贈李少荃相國集句十二韻

霽景牽詩興氤氲暖碧空花光晴漾漾春氣又融融霖雨  
思賢佐天人得大通多才兼將相旌節屢西東玉勒浮雲  
騎金鞍明月弓鈞衡持國柄豪傑自牢籠坐見威稜洽夷  
情草偃同定功彰武事非是爲獮戎晤語方明志邕言讓  
在躬劇談推曼倩飲酒憶陶公達士心無滯吾生學養蒙  
願陪歌賦末下曲本難工

醇賢親王奕譞號樸庵

宣宗第七子有九思堂詩藁九思堂詩藁續編

詩話醇賢親王篤於忠孝咸豐間嘗被命題畫兩首  
皆用扶杖字文宗爲改定從游福海賦詩有句云

水樹迎皇幄雲山入御筵  
與慶池應制詩語汝顛倒用之耳  
篇列咸豐朝詩之首備記其事又補作紀恩四章辭  
旨排側病中索西鼎湖尤多攀援哀咽之語王母莊順  
皇貴妃祭必設瓜漿亦見於詩及光緒紀元王上疏  
請預防邪說鑑宋明大禮之議而  
定於及身卓識深慮偶乎遠矣

### 余十六歲蒙

先皇親授刀法今奉派管理營務每見技藝步法不如內

### 學迴思當日深恩慨然有作

二百連環法刀傳自內廷霜鋒揮閃爍寶鏑式儀型上苑  
松陰碧離宮草色青卽今修武備時事此身輕

### 官軍攻克金陵詩以志快

蠻觸紛紜一炬枯欣傳露布達京都不因塵海櫓槍患肯  
發天威霹靂誅十二年華稽國法九重籌算盼民蘇連營

匝合皆精旅名將風流本宿儒立幟先登城屬漢揮戈直  
入地平吳狼奔豕突氛終掃鼠尾牛頭讖已符探本窮源  
恢大業酬功覃賞壯皇圖搖墀忭舞龍顏近鳳詔遙頒聖  
澤敷

有會漫書

窗下青石盆其方尺有咫蓄以小游魚盛以清泠水蕭齋  
薄醉餘寂寂憑欄視俄從竹籬根鬪出南柯螳始則互牴  
牾繼見一披靡前者逃倉皇後者追不止攀援復爭逐共  
落石盆裏幸而陣風來吹墮桃花蕊二螳附蕊上浮沈如  
有恃一勺碧紋輕在螳滄浪似一瓣落英飄在螳解矚擬  
因思湖海間從古爭不已纔見降帆出又聞戰艦駛南渡  
暫偏安北征甘誓死叱咤海風生衝突銀濤起諒在天視

之亦猶此益耳

天成寺江山一覽閣恭依乾隆壬戌 聖製題石壁

元韻

傑閣枕巒顛晴開隔宿煙徑如蛇宛轉人似鶴盤旋絕壁  
形遮塔幽禽語和泉省方全盛世重感紀元年

入門

入門無俗事第一問梅花爲報茶爐畔纔舒鐵幹斜漸爲  
春遞信仍待我歸家亟命開樽酒相醺萼綠華

蒔花

除莠培根辨煥寒護持少情色香殘區區草木猶如此無  
怪民生得所難

讀史

倉卒青岡盡倒戈功成天幸論非苛一呼豈料眞移陳萬  
騎誰教竟渡河兒輩逡巡原愕眙中軍談笑故婆娑深謀  
終許桓宣穆慚恨猶嫌客氣多

萬曆十年龍文九子墨

按九子墨爲  
古婚禮用

麝元香擬熙豐世龍文脊肖廷珪製翠黛泥金煥若新雀  
屏已改青雲第好事何代無昌言胡郎承晏評淵源一朝  
投贈黟川品月團聲價逾瑤璫開緘細楷標王午摩挲深  
慨爭門戶大奄披猖燄旋消羣工齋醮心誠苦就中獨惜  
張江陵冰山十載徒峻嶒起衰振墮千秋業好譽居功一  
字矜是年朝政如麻亂新昌彭澤紛凋散白簡青詞事疊  
更蒼崖黃犬心三歎盈庭抨擊禍何深是非顛倒爭驅侵  
闕外長傳紀效法宮中猶榜肅雖箴緬懷礪銳霜毫引睢

陽一斗應立盡不道葛囊淪落餘尙留烏玦同高隱飛揚  
鱗鬣氣如蘭珍比澠池趙璧完吁嗟十頃田蕪久未抵松  
煙墨一丸

哭殷譜經先生

一書報君病再書報君逝臨風一哭君別灑無窮淚蕭山  
文端師與君朱陳誼余季孚敬王與君青藍契從弟蟬齋  
詢髫齡杖履侍回首三十年都成夢泡類君在心尙酸君  
逝心如醉欲紀君才華遺集已行世欲紀君出處史館有  
成例我但寫我悲一紙祝融昇倘能達九原君應爲隕涕  
月夜偶成

卧聽鳥雀啄莓苔睡起松窗素月來草際蛩喧轉幽寂花  
間露重爲徘徊恩深暫輟林泉志事急方知將帥才淡淡

銀河舒倦眼天狼不見見三台

海口夜泊月下望海口占

南岸彎環北岸斜洪濤縱目望無涯五台舊蹟傳千古凡五以威鎮海門高爲號威豐間僧忠親王築議和後久  
廢址少萃相國督直後復因其舊而新之更添營壘爲  
樓船振旅吾何敢聊說張謇犯斗槎

航海放歌

我曾游徐無絕頂峯上頭登峯更宿峯之樓下視眾山皆  
培塿疑是銀濤千里翻清秋今復躋天橋危坐入東海飄  
飄心跡眞仙宰滄波萬疊湧艤幢又疑雲煙出沒籠歲鬼  
西送月無痕東瞻日初浴除卻升沈赤白丸惟有滉漾一  
色連天綠仰寥泲俯幽宮神不可召蠡不可窮但學謝安



石悠然雲海中不學郭璞狂浪說蹢躅同我心先爲坡僊  
得走筆大書示二客茲游奇絕冠平生蘇句一言能抵千行  
墨涯埃渺不見仙藥安可期放懷且邁洪流外看作桑田  
未變時

孚敬郡王奕諱

宣宗第九子

題五叔惠端親王愛日齋集

傳人原不在文章一卷遺篇什襲藏冠代宗英推領袖詒  
謀家學重巾箱蓬山唱和多名輩蘭室研尋味古香別有  
箴言堪證道讀書明理誌無忘

晚晴簃詩匯卷六終